

由庚堂集

由庚堂集卷之五

縉雲鄭汝璧邦章甫著

五言律詩

愚谷雜咏

八首

愚谷從吾好，茆茨取次裁。  
百盤依磬折，三徑就花開。  
日薄仙巖寺，春深吏隱臺。  
烟霞堪寄傲，青鬢賦歸來。

委巷稀塵鞅，城居似遠村。  
芰荷衣乍製，松菊

徑猶存晦跡從牛僧間情共鳥言平生饒野  
趣樂志仲長園

卜築家山半雙峰對草堂崖欹斜引磴松礙  
別開廊畱客呼浮白逢僧學坐忘陸沉徒復  
爾廣莫是吾鄉

烟樹澹浮空春燈入夜紅下山花吐月醒酒  
石生風源水行相引華胥夢欲通尊畱餘興  
在取醉復牆東

此子宜丘壑端居養性靈室中一榻白竹外  
萬峰青種藥供多病開尊笑獨醒玄經慵罷  
草雙寂子雲亭

秋聲忽在竹行藥一窺園蛺蝶翻風細芙蓉  
裊露繁遂初閒欲賦幽意靜誰論徙倚層臺  
望冥鴻萬里騫

爲闢種瓜地因成選勝游斗池虛納月竹徑  
曲藏樓振策千峰響停雲萬壑幽黃花開正

好與客醉籬頭

水竹自成居烟霞曲抱除泉鳴階下石花撲  
案頭書待月坐高嶺看雲過太虛鄰翁曾卜  
夜谷口命巾車

送葉叅戎之東粵

戎路去翩翩將軍鎮海邊一身經百戰終歲  
詔三遷結士黃金盡酬恩寶劔懸倭韓休近  
粵飛將在樓船

林居卽事 二首

處處堪游屐時時一會心  
林開花易曙雲滿客難尋  
調鶴陪清嘯携壺就綠陰  
夷猶吾計在不必問抽簪

入境含丹壑脩然自掩關  
細分池畔竹幻出洞中山  
巖空從雲起馮虛候月還  
華門無始駕身世閩風間

偶成

人儼文犀有囊誰阿堵無速貧寧婦謫任狹  
只公愚歲月消雙屐乾坤託一廬莫嫌生計  
薄春色滿江湖

會心堂春集

春陰入敞廬春讌未教虛  
籃輿花間度桃笙  
石上舒忘形賓作主  
知樂我爲魚酒罷傳新  
詠清風自穆如

用李萍野韻書懷

幾年淹薊北長日憶江東  
越嶠三春雨溪航  
五兩風杯光邀月滿潭影照人空  
却笑金門直青山老桂叢

送葛逸人之太和期來春過余東海

太岳尋仙去秋風信短笻  
逍遙身似鶴綽約道猶龍  
秘檢空中授畸人天外逢  
蓬瀛應有意春半許相從

遣侍兒



行依雙樹老坐任一花飛逝水春容駛秋風  
鶴夢稀境幽微見獨年往自知非枕簟涼如  
許乘閒到夕暉

先壠暮歸作是日禪除

祇是恩難極翻驚歲易過悠悠春日暮慘慘  
隴雲多衣自憐荷芰詩仍廢蓼莪歸鳥啼正  
苦受瑟未能和

雨夜飲旭山丈東樓手談

夜話逢今雨朝占訝聚星頭寧作吏白眼爲  
故人青坐隱還先着酣歌未獨醒物情君自  
見差可託沉冥

宿法海禪院

隨處耽幽賞携琴到上方逢僧開竹院共客  
坐繩床塵夢燃燈醒虛堂過雨涼遽然一宿  
覺徙倚禮空王

往祖堂返望牛首更奇再賦五言

到山看不足，迴眺景偏奇。  
白玉層層綴，青蓮瓣瓣垂。  
鬼工難着繪，神境易成詩。  
莫便叅方去，靈山會未移。

靈谷寺同李懋仁賦

招提風日好，香界遞氤氳。  
路入萬重樹，山藏千頃雲。  
錫飛驚鶴馭，鐘動下麋羣。  
宴坐深秋色，人天故未曛。

夏日飲齊王孫羣鷗閣

傍水出樓臺鷗來客亦來高陽無峻禮河朔  
有深杯解帶風從入探書枕爲開濠梁幽興  
熟未許酒人猜

董總戎歸上谷

花亞角巾明將軍出鳳城春風吹大樹江雨  
濕前旌海內未忘戰師中誰請纓封侯莫疎  
濶片檄是王程

送倪玄成還越

愚谷惜相別金陵喜過從同驂花底鶴乍合  
斗間龍客路憐蘇季官情笑曼容秋風催挺  
動爲爾拭芙蓉

午日遊栗園

客裏逢佳節尋幽入翠微雙松秦歲月片石  
漢支機山色寒生簾花香煖襲衣浮生拚一  
醉日暮欲忘歸

巨源王孫宴坐齋

一齋如斗大燕處自超然特擁青藜色長吟  
桂樹篇道存寧下帶意得已忘筌不用維摩  
問繩床盡日懸

由庚堂集卷之五終

由庚堂集卷之六

縉雲鄭汝璧邦章甫著

五言律詩

棲霞寺 二首

東郭聯鑣出招提象外尋湖光含霧遠山路  
入雲深村鼓催農事林鐘和梵音涼飈當暑  
至早已滌煩襟

地間人初到花深逕欲迷千峰紛拱北八水

淨流西霞曙香臺迥雲歸寶樹齊六朝僧可  
在吾欲問真棲

鷲嶺排雲上高高擁翠臺巧疑天柱擘突向  
海門開二室垂千葉三山浮一杯長風如可  
御舒曠亦悠哉

齋中雜詠

四首

試舉閒中趣清齋好自娛問兒詩學未呼侶  
鶴來無江月懸鐘阜茶烟上竹鑪不禁吾土



興歸夢日僊都

天際瞻陵閣開林小築臺晨光佳氣繞秋色  
白雲來蠟屐看花入琴尊問月開舊都閒欲  
賦吾豈大夫才

愚谷自檀欒閒居賦籜冠如何官舍裏猶作  
故園看過雨添朝綠凌風閱歲寒方壺日多  
事遲爾報平安

園涉日成趣官閒早放衙天容兼吏隱地欲

日房堂集卷之二  
二  
當吾家廚釀分雲液園葵折露華長吟秋色  
遍端不負黃花

夜臥聽兒讀書有示

高館夜初羅深宵斗六傾秋風吹桂樹天籟  
蒼經聲吾已無聞媿而寧有志成舊京如砥  
柱好在好與示周行

同諸公遊燕子磯曉行作

盥櫛凌晨出明星猶在天驅車行露草逢鴈

起江烟山斷寒流出崖傾古殿懸非關遊興  
劇有客願周旋

彭城舟中

舍車貪利涉滯水得淹畱白草三家市黃河  
一綫流漁應愁竭澤計已拙藏舟璧馬何年  
事驚看借筮籌

夏日齋居

五首

地僻堪消暑官閒好杜門慙過六百石喜誦

五千言駘蕩關神理婆娑是

王恩只今稱

吏隱何處乞文園

頗類山中日焚香可判年琴書先雨潤竹樹  
逗風妍奇字從兒問玄心與鶴便自憐蘿薜  
性隨處學逃禪

已知成小草那復問前薪不淺灌園興猶餘  
運甃身曬書便捧腹束帶怯隨人莫向長安  
望翻雲事事新

河朔難拚飲清齋且放閒心空前後際官寄  
有無間暑逐涼颺去雲將倦翮還翛然何所  
事隱几夢青山

苦熱不成寐徒倚遍踈櫺簷虛低列宿燈  
亂流螢窺牖俄生白鮑書竟殺青呼兒豎松  
塵露坐一談經

登獨石亭

鞭至自何年關門片碣懸孤根疑拔地遠勢

欲擎天鎮朔當三面名城寄一拳

獨石城以此名

登

臨偏慷慨尊酒嘯風烟

李子敬謁銓過訪赤城喜而有作兼懷

鐵城叅知

一首

長憶山中侶俄驚塞上逢關河懸片月斗氣  
合雙龍不盡南來語頻看別後容風鉦中夜  
發猶認故園鐘

猿雀應亡恙風塵祇自憐一麾隨白草萬里

對青蓮鄉夢逢春劇離愁付酒捐總輸河上  
叟長日共鷗眠

閱營射 二首

紫塞乘輅出觀兵耀武威日光搖組甲霜色  
擁牙旂鳴劒千山動投鞭萬馬飛冠軍初出  
塞胡騎漠南稀

賈勇千夫競彎弓五石強鏑鳴初落隼札破  
已穿楊肅羽傳青海先聲走白狼射生休近

日  
月  
書  
集  
卷  
之  
二  
三  
塞飛衛在疆場

殤子

生作掌中珍歸爲陌上塵悲驩吾自失來往  
爾何嗔蝴蝶迷朝夢麒麟詫後身賢哉吳季  
子委化識天真

中秋書懷

十首時備兵榆林

三五月華流邊關賦遠遊影深烏鵲樹光冷  
騶騶裘擊柝重門靜鳴砧萬馬秋及瓜猶未



返空自憶刀頭

有客行杯數無雲四望深光華生桂樹烽火  
淨榆林北嶠棲歸翼南樓聞遠音呼尊莫惜  
醉來夕異晴陰

桂闕中秋滿瓊樓萬里看蟾蜍渾自喜鵲  
不勝寒太宇浮埃散長門夜色闌前星應有  
燦翹首五雲端

歲歲高堂讌琴尊泛月明一麾憐遠道孤影

滯邊城舞袖風霜妬  
趨庭歲月更玉關歸未  
得叱馭重含情

忽改姮娥影淒然悲夜臺  
慈闈秋寂寞烏樹  
晚徘徊衣線含風冷  
砧奏壑哀有懷歌陟  
屺愁絕不堪裁

涼月鑒羅幃邊衣着未宜  
砧聲空外斷鷺影  
夢中疑豈誤靈娥藥  
誰成織錦詩安仁故有  
泪揮灑向南枝

原上三年別看雲廢晝眠  
沉當風月夜悵望

鴈鴻天宿草經秋暗

季弟  
早世

繁荆裒露妍藍田

多舊業攜手艸堂前

谷口攜佳侶風期故自超  
賦詩多暇日問月  
幾清宵今夕光同滿  
他鄉望轉遙  
濠梁幽興  
在猶憶舊同招

玉盤掛天際兒女競相呼  
要命一進酒隨母  
各提壺出塞鄉雲渺辭家客  
夢孤小孫書昨

至報月又庭梧

愚谷谷中月好溪溪上船光浮山似玉波定  
水如天執掌終何事賞心故自憐停杯欲有  
寄隴樹隔蒼煙

喜何无咎至自永嘉有作

爲客三春盡逢君萬里來人將今雨至懷向  
舊醅開說劍雄心劇論文藻思催呼韓飛片  
檄好向幕中裁

月夕

當暑晚涼生娟娟月近城微雲絕點綴過雨  
益分明鳥弄深栖影鐘回出定聲居心元自  
淨卽境有餘清

與蓮池開士西湖夜話

苦海渺何際高僧自有真逃儒非避世施法  
夏因人萬念歸無念三身卽幻身欲知禪悅  
味湖上湧冰輪

由庚堂集卷之六終

幽庚堂集卷之七

縉雲鄭汝璧邦章甫著

七言律詩

借喻邦相使君遊仙都

二首

仙路逶迤轉翠微  
遙看半壁敞雙扉  
擎霄石扇何年鑿  
出海陽烏拂曙飛  
擬向玉函探秘  
記忽聞金磬發  
清機憑高試浴扶  
桑景長嘯  
臨風髮乍晞

白房堂集卷之二  
右暘谷洞

鼎湖寒色浸芙蓉羣玉臺前五老逢似告帝  
期朝紫極虛傳象緯幻靈蹤奇標伯仲超玄  
嶽秀壓兒孫睨華峰應許愚公爲地主青藜  
皂帽日過從

右五老峰

春日題白雲洞

愚公春興滿春山爲愛孤雲數往還忽傍颺



車來洞壑嬾爲霖  
雨到人間輕隨鶴  
影橫空  
度寒駐峰陰盡日閒  
一任無心自舒卷  
時堪  
怡悅臥禪關

題丁芹泉此松廬

小結茅廬伴此松  
短筇雙屐日從容  
月橫素影歸玄鶴  
雲濕蒼鱗偃赤龍  
夜靜空濤疑帝  
樂歲寒孤幹薄  
秦封斲斧幾度尋  
君至得似  
華陽洞口逢

家君邀諸長者林塘春集卽席命賦

二首

勝日邀賓醉玉壺  
緋桃千樹似玄都  
氛氲春借三花放  
瀟灑人將九老圖  
洞口晴雲迎杖屨  
尊前明月對江湖  
詰朝太史占星處  
肯信逢瀛事有無

百花春水接滄溟  
搖曳扁舟聚客星  
夜色平分三島白  
波光遙漾萬峰青  
會心桃蕊燈前吐  
繞座梨歌醉裏聽  
樂意未央重訂取  
北山

時過子雲亭

山房桃花盛開漫賦

青皇一夕報芳菲  
千樹桃花擁翠微  
洞口晴霞開曉障  
月林絳雪點春衣  
莫令漁父尋源至  
可似仙郎採藥歸  
金液玉壺拚取醉  
東風着意莫教飛

從諸丈人登吏隱山次韻

萬樹春光擁翠臺  
青尊閒傍薜蘿開  
高歌忽

與浮雲會半醉旋呼片月來  
林僻總堪中散侶賦成終媿大夫才  
前溪遙送金波色爲駐清輝倒綠醅

園居

谷口經聲管鶴聞  
虛亭面面出青山  
雲屏過雨朝飛鳥  
霜葉吟風晝掩關  
熏習漸看諸漏盡  
妙明不與六塵還  
可知禪悅人天近  
豈必丹砂好駐顏

劉際明使君元日初度

諫草翩翩動帝京一麾猶自護江城淮陽地  
重須長孺渤海時清得少卿繞郭卿雲開曙  
色夾江春雨壯潮聲政成坐理南山咏望望  
蓬壺旭日生

諸社丈過集山園賞花得幽字

春山黃鳥靜相求三徑初開引勝游寶炬照  
花分洛苑紅牙催酒按梁州林間白日雲霞

滿屋裏青山洞壑幽醉拂落英堪共藉不知  
珠斗挂高樓

岳伯李鐵城先生初度

霏翠臺高玉樹連南山佳氣藹初筵柴桑菊  
泛重陽後

九月十日  
日誕

錦里尊開萬石前奏罷墳

箎神自王馭來鸞鶴骨應僊君家夙有青牛  
路未數莊椿是大年

小齋

小齋幽敞水雲間  
薜荔春深晝掩關  
靜向半生私日月  
清從一榻受溪山  
樓居髣髴仙人好  
門巷蕭疎稚子閒  
爲愛桃花尋舊侶  
扁舟搖曳武陵還

雲心臺簡友

愚公自築雲心臺  
千峰萬峰相對開  
夾徑紅樹雨初歇  
一片白雲山之隈  
冉冉空齋過麋鹿  
殷殷古洞騰風雷  
秋夜月明桂花發  
抱琴

應有求羊來

鷗濱夕泛簡鐵城叅知

負郭春陰滿釣磯十年高臥水雲扉樓臺靜  
向空中出日月清銜鏡裏飛綠樹幾從漁父  
醉白鷗長伴主人歸扁舟只在蘆花岸更棹  
金波蕩夕暉

丹室成賦似葛鍊師

蚤從畸客學滄霞肯信浮生逐有涯溪上胡



麻初得路雲中鷄犬已成家步虛聲滿清齋  
磬鍊液春生碧樹花下界可誰窺鳥道祇應  
來往五雲車

由庚堂集卷之七終

由庚堂集卷之八

縉雲鄭汝璧邦章甫著

七言律詩

賦得栢子翠雲塔

栢子青青萬綠扶  
幻將秀色湧浮圖  
盤空直傍春雲起  
結翠渾從貝葉鋪  
露洒諸天甘欲  
滴風迴羣鐸靜  
相呼坐餘頓悟西來意  
爲問菩提相有無

槐樓叔見過

三徑蕭蕭小阮家時陪杖履狎烟霞  
磻苗寒長千年藥野蔓秋垂五色瓜  
洞裏久忘秦日月山中時課晉桑麻  
隔離擬約隣翁醉共占鷗汀半席沙

展大父墓時石坊成敬述一首

疊巘雙流碣石收鬱蔥佳氣護松楸  
康成舊里名通德有道新阡勒太丘  
華表風高歸白

鶴雲門春暖臥青牛  
瞻依不盡千秋慕  
壠樹森森萬玉稠

登白雲洞禮斗臺絕頂限韻賦

禮斗隣霄頰大方  
白雲飛盡出天光  
振衣忽御長風起  
極目翻憐過鳥忙  
丹壁淋漓空翠合  
僊臺縹緲雨花香  
航奇鎮日忘歸去  
迢遞鐘聲報夕陽

春日黃徐湯三廣文李鐵城昆季集愚

谷山房分韻二首

過從賓客總能文把臂中林咏五君鳥哢烟  
光春曖曖鹿眠花氣晝氤氲尊邀蘿月千林  
暝嘯合松風萬壑聞自是青氈便吏隱僊都  
秀色許平分

右得文字

馮高岸幘酒還傾日落千峰爽氣生曲磴草  
芳承屐軟層臺客到與雲平遡風似挾飛僊

至采勝能高隱吏名潦倒不知歸路暝依微  
煙火隔林明

右得明字

愚公洞效長慶體

從他山北與山南詩任狂吟酒任酣逆旅乾  
坤誰得一愚公今古我成三自封渾沌還中  
帝未許雌雄問老聃回首風塵慙啓事于今  
中散更何堪

觀妙軒小集

洗竹移花事事新  
水雲今已是閒身  
閉門趺坐成居士  
開徑逢迎有故人  
思託冥鴻聊自遠  
夢醒蕉鹿定誰真  
洞中賸有如年日  
百遍相過莫厭頻

冬日出城東門至豹獅巖見輦從行

纔出東垆眼便醒  
溪雲漠漠水泠泠  
寒崖過雪晴猶白  
午樹和烟凍自青  
人語忽驚虛籟

荅漁歌政好隔流聽見曹喧指中峰近取次  
呼尊到玉屏

送劉芝陽得請歸省

送君南去思依依柳絮風含欲上衣一疏曉  
從丹陛下三春人傍白雲歸恩頒玉檢鸞回  
翥饌膾桃花鰕正肥別後愁予芝麓夢鄱陽  
鴻鴈未應稀

過鐵城鷗濱館劇談方外辱報佳篇復



次走荅

君家樓閣鏡中懸  
秋色冰壺對湛然  
窻豁遙吞平野樹  
月生斜界半溪烟  
忘機久狎鷗盟  
侶鍊藥同招鶴  
背僊紗帽隱囊  
聊玩世無懷  
別自有壺天

題李蒼麓僊都卷

天柱峰頭四望開  
茆堂深寄白雲隈  
平分二室三花去  
時有青牛紫氣來  
入席烟霞供伏

枕當空風月引登臺吾廬亦在僊都勝雙屐  
從君數往迴

威鎮亭春眺簡吳若川憲伯

縱目孤亭遠嶼幽清漳寒抱郡城流星迴牛  
女天形接地盡東南海氣浮百雉風恬閒晝  
拆千峰花藹入春樓羊公緩帶開東府幾度  
磨崖紀峴遊

忽憶通籍三十年感賦用長慶體

回首邯鄲入夢鄉  
烏飛一萬一千場  
頭顱漸逐滄棗改  
啼咲驚看傀儡狂  
誰向死前觀  
自在翻緣身後受  
閒忙遽然一覺空  
王諦隱几無心學  
坐忘

集鷗濱書院分得魚字

樓臺縹緲水雲居  
綠樹重陰護碧除  
河朔深杯邀上客  
濠梁真樂問儵魚  
峰陰欲暝寒雲外  
潭影徐收落照餘  
盡道滄浪明月好  
臨風

回首一躊躇

鴈山大龍湫

浩蕩雲霄雁影孤，銀河天際灑蓬壺。  
斷虹射日時高下，匹練迴風乍有無。  
噓氣恍疑通帝座，標奇真已冠僊都。  
靈山空水堪舒嘯，何處還携五岳圖。

入靈巖寺眺玉女雙鸞諸峰

踏遍芙蓉信短筇，千峰迴合擁僊蹤。  
鞭驅東

海何年到劔倚長天此地逢雙管調成時引  
鳳二茅丹就欲乘龍夜來似聽羣靈語白月  
青鞋許過從

自能仁寺抵石梁

選勝偏憐慧日長扶携雙屐破蒼茫時時衣  
桁沾雲濕處處巖泉帶雨香採掇金光生羽  
翼憇除心地頓清涼出山悔與前溪別又促  
籃輿度石梁

訪何山人无咎山雨閣畱贈

落落乾坤幾布衣  
竭來高調似君稀  
身同白鹿閒滄海  
人識長庚入少微  
草閣夏寒孤榻下  
墨池春暖五花飛  
相過不是華陽侶  
玄麈翻憐盡日揮

題陳光祿綺園

君家池館肅清陰  
佳氣蔥蔥萬玉林  
喬木出雲晴作綺  
空巖飛瀑夏成霖  
新詩競與霞標

麗大隱翻令鶴夢深  
盡道主人能愛客  
可教開徑數相尋

和李鐵城郊行韻

回首風塵路已賒  
肯因物態負春華  
酒瓢欲挂三珠樹  
籃輦頻過五柳家  
天霽漁樵喧極浦  
月明鷗鷺宿圓沙  
百花咫尺滄浪畔  
儻許相從著釣槎

再過仙都山

野色溪橋午自分，玄都空翠轉氤氳。  
春殘半落桃花水，日暖全蒸玉笥雲。  
鶴駕杳從天外度，洞簫清向谷中聞。  
重來阮客心如洗，遲日相將麋鹿羣。

遊金華山冰壺洞

石底飛泉瀉碧峰，仙源杳靄武陵東。  
胡麻春泛桃花出，銀漢楂從婺女通。  
寒色乍侵冰骨冷，塵緣盡對玉壺空。  
探奇更棹雙龍窟，嘯臥



青天垂白虹

鹿田寺

萬峰寒色結秋陰  
蠟屐衝泥度碧岑  
泉吼雲門天籟合  
雨飛澗道瀑流深  
苔荒漸隱青羊石  
錫住俄開白鶴林  
莫遣洞簫吹碧落  
試聽泓下古龍吟

送李旭山職方北上

萬里驅車入漢宮  
一尊離思故人同  
縉雲名

自高司馬旭日晴看照畫熊起草重扞宵旰  
顧運籌坐使幕庭空年來嬾作長安問尺素  
遙將何處鴻

荅寄吳韞菴方伯

蓬蒿三徑雨蕭蕭霄漢懷人坐次寒聖世詞  
臣分岳牧愚公清興滿漁樵休譚往夢蕉中  
鹿試看新拋樹上瓢誦到南華成獨笑可知  
鵬鷗各逍遙

愚公洞與喻素知山人談玄山人善畫

賦贈

洞壑涼生竹樹幽石坪揮麈屬清秋玄言欲  
問老龍吉癡絕何如顧虎頭寫就河山聯示  
幻吟成花鳥不關愁了知色相元無染雲去  
天空碧水流

宿雙闕方丈用壁間韻

雙闕天開見鷲峰瑤臺縹緲撲芙蓉直盤空

色三千界雄鎮河山百二重  
落照吞江溶作綺前朝遺樹老  
成龍齋鍾不用傳香積領得  
烟霞飽自供

祖堂南向獻花巖北向是懶融觀心經  
行處

夏住花巖冬祖堂懶融習懶却成忙  
纔驚麋子嚼初果便向牛頭宿  
上方寶刹雲開懸法相講壇秋老散  
天香我來勘破觀心處南北

經行總不妨

秋日同趙司寇沈大卿丁廷尉游燕子

磯

鐘阜東來紫氣饒  
燕磯四頰大江遙  
千林帆影明秋浦  
萬樹濤聲蒼暮潮  
揮舄蜃樓看日浴  
放歌蘭棹任風飄  
將歸猶戀滄波色  
送盡飛鴻對汝寥

午日句曲道中

江天暮雨濕薜蘿  
漠漠長林鳥倦呼  
路近華陽窺地肺  
身隨清夢到仙都  
雲門春駐三株樹  
霞醞香浮九節蒲  
聞說茅君龍可馭  
願携丹訣問麻姑

孝陵供祀敬述

鍾山曙色靄芙蓉  
望望園陵紫氣重  
陡闢乾坤營帝寢  
盡驅川岳護靈蹤  
衣冠彷彿臨雙闕  
弓劔參差想六龍  
何幸小臣陪拜舞  
髯攀

千載儼相從

夏至太常齋宿感賦

晦跡頻年臥草萊  
齋心今夕在容臺  
裸將定肅皇祇禮章  
甫誰優小相才夢徹  
鈞天風乍寂香浮泰  
時月初來炎威萬里  
囂氛急徙倚青霄首  
重回

趙心堂司寇冬日遊攝山以詩見懷依

韻奉荅

崢嶸彩筆自生春頓起霜天作麗辰夾路錦  
林迎杖舄半空珠閣出風塵尊前問月江光  
滿句裏流霞澆界新不是沾沾曾得御那將  
郢曲向巴人

寄蓮上人

容臺風物澹秋光晏處真同坐道場押座經  
旬雙玉案退衙終日一繩床逢僧遠寄蓮花  
偈避客新裁薜荔裳欲道相思難着語空庭



如水月如霜

李旭山中丞樂泌堂成寄贈

中丞結屋在槃阿水色山光入檻多  
焚草自繙黃石秘斲苓都付紫芝歌  
塢篋四奏春能駐日月雙停夜不波  
獨有浮雲時極目長安北望意如何

送陳懷雲督學遷太僕北上

攬轡曾高執法名談經六載鳳凰城  
璠璣南

國多高第桃李春陰滿舊京帝御羣龍飛八  
翼僊槎萬里引雙旌黃金臺迥憑收駿莫使  
騏驎地上行

太常署中牡丹盛開故有花會從沈大  
卿邀大司農張公大司寇趙公燕賞賦

容臺遲日照名花式燕邀賓坐碧紗芳豔似  
凝玄灞露繁英爭吐赤城霞寧將麗景酬心  
賞總許春風領歲華紫棘綠筠盟好在卿雲

僊月興偏賒

送吳選部督學河南

僊郎清望肅冰壺  
超拜傳經子大夫  
行擁墨華凌二室  
向餘賦草重三都  
羣空西極龍爲友  
道在中原馬負圖  
治行吳公知第一  
可能推薦洛陽無

題羣鷗閣

桃葉春風古渡頭  
閒簾日日俯滄洲  
閒心偶

爾數鷗識濯足居然萬里流夾岸樓臺朱桁  
雨匡床蘿月白門秋君看江左多名士幾向  
煙波問拍浮

葉臺山宗伯過賞署中牡丹枉詩見詒  
和荅

小亭初構報花期上客邀驪酒並隨粧倚舊  
宮偏國色香分蘭省自僊姿風前玉立春教  
駐塵上珠聯暝故遲謾把清商繁度曲題來

綵筆有新詞

茅令君覲還句曲以考最勲封賦贈

茅家兄弟擁僊班爾更專城姑射山花縣行  
春開地肺瑤空飛鳥接天顏歸從竹馬將琴  
入到捧鸞書共鶴還何事欲尋句漏遠卿雲  
咫尺碧梧間

鐵城先生以予誕日過弘兒讌祝有詩

見寄答謝

誰琢驪珠字字工  
片鴻飛墮大江東  
也知燕笑從兒子  
却自行藏媿老翁  
鏡裏鷗波汀月  
曉吟邊秋色暮  
雲空虛舟處處能  
無繫可道逍遙兩地同

同沈大卿登清涼山絕頂

石頭蘭若散秋光  
蠟屐從容到上方  
四望江山迴睥睨  
萬家烟樹點微茫  
心空轉覺諸天  
近地僻偏憐佛日  
長何用雨花飛講  
席坐來

身世已清涼

蕭侍御尊人八表

明經蜀國擅清芬  
鶴髮烏紗復不羣  
愛日庭趨周柱史  
占星客儼漢徵君  
尊調僭醞三危露  
綵戲神羊五色文  
歌罷南山瞻紫氣  
峨眉天際有飛雲

寄懷山中諸社友

遙憶追驪白社間  
風塵輪鞅日艱關  
元知龍

性終辭羨總媿鷗心未許閒池上琴尊虛北  
垞花間暮豎夢東山嶺雲江樹春相映刻曲  
扁舟易往還

銅雀臺

鄴城西去憶豪華魏寢風流問落花總帳有  
人曾舞燕銅臺無樹可棲鷗春心自古銷雄  
略王氣何年散彩霞寂莫玉魚天地暮空畱  
疑塚向黃沙



由庚堂集卷之八終